

S. 107ff.  
(O. Heilig)

Ein bewerter gudter seggen zu den augen.

Sprich: In nomine domini nostri Jhesu Cristi. All die sein zu lobe vnserm herrn Jhesu Cristo die gesungen oder gelesen werden. Die sein dir, Cristenman N., Also worhafft vnd als fest, Als daz hailig pater noster in der hailigen mes ist, Das dir alles das mus zergen. Du solt zergen heudt vnd vmmmer mer durch deiner freuden ere. Kirieleison, Cristeeleison-Kirieleison; *p̄a n̄r p. totum dicas.* Tange terram et fac crucem Et dicas: *p̄r n̄r, aue m̄ra ett credo.* Ich bidt dich vnd mane dich, fraw here, durch der freuden ere die dir brocht sanctus gabrihel der erczengell, Wan er dir kundet, fraw, vnd brocht die bodtschafft vnd die geburt, Das du mutter sollest sein vnser herren Jhesu Cristj, Das an dir erfüllt würden die hailigen Oracula vnd die prophezeien; Vnd durch das here grüssen vnd durch die zukunfft vnserw Jhesu Cristj: das du, frawe here, durch deiner freuden ere diesen Cristen man N. erhörest an diesem liht, an diesen augen gefrewest vnd genösestt. Das alles das mus zergen Das diesem hirn vnd haupt vnd diesenn augen schade sei. Wie der man genent sei: du must zergen; du solt zergen heudt vnd vmmmermer durch deiner freuden ere. Tunc dicas: Aue maria, gracia plena; dominus tecum; benedicta tu in mulieribus et benedictus fructus ventris tui. Amen. + Jhesus, Sancta Maria, mater dei, ora pro nobis nunc et in hora mortis; amen. Et sic dicunt gallicanij: Ich bidt vnd mane dich, fraw here, durch der freuden ere, Dömit dein sele vnd dein leib gefrawet vnd getröstet warde; Vnd durch desselben blickes ere, den du thattest, Do du dein kindt frölichen sahest ersten von dem grabe vnd vonn seinen nödten vnd von seinen engsten. Als dein sele vnd dein hertze do gefrawet vnd getröst warde, Also bidt ich dich vnd mane dich, fraw here, durch desselben blickes ere, das du diesen Cristenman N. erhörest an diesem liht, an diesen peidenen (!) augen

Befehl

M<sup>a</sup> Heilen

Befehl